



Ioannes Mansfeldiæ in Saxonia natus & educatus est anno 1523. Is prima artium & linguarum fundamenta in patria iecit, atque reliquos commilitones diligentia facile superauit. Itaque factum ut sua industria magnam eruditionem nactus fuerit. Accedebat & erga Deum pietas, atque morum innocentia. Vnde cum Nicolaus Gallus Magdenburgensis pastor ad S. Huldricum Ratisbonam 1553 reuocaretur, Ioannes ei substitutus fuit. Interea Saxonie iuniores principes, Ioannis Friderici Electoris filij, Ihenæ publicam scholam erexere. In eam Ioannes uocatus, atque publicus professor constitutus est. Cum autem contentio quædam in religione cum alijs quibusdam exorta esset, discessit, & Vismarię, Megapolensis ditionis urbe, Ecclesiarum Superintendens electus fuit. Hæc quidem officia hinc inde is magna dexteritate peregit, atque sibi præclarum nomen comparauit. Vt etiam Ecclesie & posteritati plurimum prodesset, cum Mathia Illyrico & Nicolao Gallo uiris doctissimis egregium opus conscribere cœpit, quod Ecclesiastica Historia Magdenburgensium nuncupatum, & in certas centurias distributum erat. Antequam uerò illud absolutum esset, & centuria octaua tantum esset edita, anno salutis 1564 obiit, & honorifice sepultus fuit.

Anonym.